

Media Permata Minggu

Sejak 1995

Jilid: MP26/O49 • Sabtu/Ahad, 26/27 Ogos 2023 / 9/10 Safar 1445H

B\$1.50 • Harian Unggul Brunei Darussalam

WAKTU SOLAT IMSAK 4.47AM • SUBUH 4.57AM • SYURUK 6.15AM • DOHA 6.38AM • ZOHOR 12.23PM • ASAR 3.34PM • MAGHRIB 6.29PM • ISYAK 7.40PM • TAMBAH 3 MINIT BAGI BELAIT DAN 1 MINIT BAGI TUTONG

Oleh Nurdiyanah R.
Gambar serahan UNISSA

Souq Tani tawar produk pertanian

TUTONG, 25 OGOS – Dalam memeriahkan Mahrajan Hafl Al-Takharruj ke-13, Universiti Islam Sultan Sharif Ali (UNISSA) telah mengadakan program ekspo dan keusahawanan iaitu Souq Tani selama empat hari di

Dewan Serbaguna Al-Rayyan, Kampus Sinaut UNISSA, Daerah Tutong bermula 22 Ogos lalu hingga hari ini.

Sebanyak 30 pengusaha tempatan dari sektor pertanian, perikanan, agrimakanan serta

dari sektor makanan dan minuman telah menyertai program tersebut.

Antara yang terlibat adalah Ghanim International Corporation Sdn Bhd, InnovAero Sdn Bhd, Fatih Aquaculture, Morifarm, Cahaya Agro, Eco Nadi dan Ibnu Anwari Enterprise. Berkesempatan untuk mengunjungi dan berinteraksi bersama pengusaha-pengusaha pada hari pertama Program Souq Tani adalah Rektor UNISSA, Dr Haji Norarfan bin Haji Zainal.

Program yang julung kalinya dianjurkan oleh Fakulti Pertanian dan Faculty of Agriculture Students' Society (FASS) itu berobjektif untuk membuka ruang kepada pengusaha-pengusaha industri pertanian serta makanan dan minuman untuk mempamerkan dan menjual produk mereka.

Ia juga membuka peluang hubungan rangkaian antara para pelajar, khususnya Pelajar Fakulti Pertanian, dengan pengusaha-pengusaha yang terlibat bagi perkongsian pandangan, amalan terbaik dan bimbingan mengenai industri pertanian

dan perikanan.

Selaras dengan salah satu objektif Fakulti Pertanian untuk melahirkan graduan-graduan yang dapat mengenal pasti peluang keusahawanan yang ada, khususnya dalam industri pertanian, program dihasratkan dapat menjadi platform bagi pelajar-pelajar untuk mula berkecimpung

dalam bidang keusahawanan dan meningkatkan daya saing diri.

Program itu secara tidak langsung juga bertujuan untuk memupuk dan membina minat keusahawanan dalam industri pertanian agar dapat menyumbang kepada pertumbuhan industri pertanian di Negara Brunei Darussalam.



Rektor UNISSA bergambar ramai semasa melawat Souq Tani di Dewan Serbaguna Al-Rayyan, Kampus Sinaut UNISSA, Daerah Tutong.